

Nda cati seŋŋa nder yimre nde– Bashiiru Abuubakar yusbi wi’eteende:

WOYRUDE SALIHJO AHMAD

1. Bee innde Allah Ceniido Yimre nde fuddiraa,
Umroowo koo kiya yonki waade ki meedanaa.
2. Mi wadi salaatu he dow nabiyyi muhammadu,
Aalo be maako sahaabo en fu mi silmina.
3. Nden Tabi’iina he ben fu tokkuba Taabi’I,
Moodibbe sunna he julbe lamnuke tokkina.
4. Si baawo sallimoyaa ki silmina dow be’en,
Ndaa yimre woyrude de’tee koo moy nana.
5. Innaa lillaahi wainna ilayhi raji’una,
Allahu akbar soynde mawnde wadi nana.
6. Allahu mawdo ceniido on wi’oyii to mum,
iftorde bee lortirde fu wadetee nana.
7. Kala yonki fu sey meedoyi nde deddere,
sey waktu be toye fe’oto dum anndana.
8. Allahu akbar soynde mawnde kam wadi,
Sooyaaki men bana saalihijo ba ma’inaa.
9. Ginni he yimbe walaa ni fotto huwoo nga’al,
Sey yaa mumiitu he bawde mum foti maynina,
10. Si baabo don ko nufiimi yimgo he yimre nde,
Mi woyra dii gi mi saalihijo be’am nana.